

光緒
崑山
州志
稿
一

地180.61

139

二~二

書	151959
號	
函	1 冊
登錄號	90360

唐高祖武德四年置總管府太宗貞觀十二年府罷明皇天寶

初改和政郡肅宗乾元初復曰岷州治溢樂祐川和政三縣屬

隴右道上元二年陷吐蕃宋神宗熙甯六年收復仍曰岷州隸

熙河路後屬秦鳳路高宗紹興元年入金改祐州吳玠復五路

收復徙治長道縣之白石鎮秦檜議和割以界金元於祐川縣

境復置岷州初屬鞏昌路後屬吐蕃等處都元帥府隸脫思麻

路明太祖洪武十一年置岷州軍民指揮使屬陝西都司

本朝雍正八年改為岷州至今因之

附宕昌古羌戎地後魏時為宕昌羌地後周天和初平羌置宕
州陳天嘉初設宕州總管府隋開皇初廢府置宕昌郡顯縣三
曰懷道良恭和戎復以成州之潭水屬焉唐天寶初改為懷道
郡後陷吐蕃宋熙甯中收復築宕昌堡屬岷州今為宕昌里

疊州古羌戎地後周置疊州隋唐因之亦曰合州德宗時陷吐
蕃宋熙甯中收復高宗時入金元仍曰疊州屬脫思麻路明宣

德時為多納土司趙綽思覺地

本朝雍正初土司廢以其地為歸安里屬岷州

按疊州古城尚在疊水之西南距城三百來里今歸安里所轄
至白石山而止祇二百五里舊志所云彼中天氣融和產稻梁
果木者乃今蕃中英俄里地現為揚土司轄境歸安里特其東
北域耳

疆域

本境在蘭州省城之南六百一十里在鞏昌府城之西南二百四十里至

京師四千一百三十里

東西一百九十里南北三百六十里周圍

東至新寺鎮甯遠縣界一百三十里

西至西灣濠洮州廳界六十里

南至乾江頭西固廳界一百八十里

北至橋道鋪狄道州界一百八十里

東南至良恭馬塢鎮禮縣界二百四十里

西南至疊州天生寨番界二百五里

東北至石關漳縣界一百三十五里

西北至黨卜里沙馬里狄道界至甯河里河州界

按舊志黨卜里距城三百一十里沙馬里距城四百里甯河

里距城四百二十里此三里向係岷地之參互他境者自石

關至分水嶺係岷與漳縣交錯地自分水嶺至李家莊係狄
道與渭源交錯地又自李家莊越紅道峪臘脂川蘓家城皆
狄道界而後至岷之黨卜沙馬二里地方而甯河又在河州
地域之中此固不可為定界也其實橋道舖之北鐵佛寺即
狄道界焦峪里即渭源界石關以北之漫灘分水嶺即漳縣
渭源狄道界耳

又按東鄉閭井里之西有八郎寨哈古里等莊乃禮縣屬地
而禮地之中又有岷地不知何以錯互如此及詢諸故老乃
知斯地在明初尚為榛莽其時官招開墾兩邑民咸來力作
及至成熟升科民各報其管官登冊以故十里之間岷禮參
居蓋以今禮民張趙二姓乃禮縣洮坪之老戶而岷董家一
莊實岷香房崖之舊籍故其錯互如此彼黨卜沙馬等里或
亦此比矣乎

西傾山今俗名白石山在城南二三百里洮水出其東疊水出

其北羌水

今俗名白水江

出其西南桓水

俗名白龍江

出其東南此山高插霄

漢四時積雪不消其脈絡繚遠西控洮州東接階文而橫跨於

岷之西南其東出一支實為本境山水之分界俱列如左

按舊志以西南之山為露骨山考宋史王韶破吐蕃木征繫

由河州起兵其云穿露骨山南入洮州境云云乃由河州進

至洮州露骨山在今河州西南連洮州番境與岷無涉今證

以水經注洮水桓水之所出及

歐定書經傳說棠纂胡渭禹貢雖指諸書則西傾之在洮岷西

南審矣茲故首載西傾而不錄露骨

天生寨在城南一百二十里自西傾分支東行九十里許即此

山山峯卓立四面峭壁如城蕃界之仇池也疊水出其北其西

即古疊州地地氣溫暖竹木茂美西有石門去洮不遠石門西

南有仙人崖舊志云馮仙人尸解於此仙人不詳何時人每歲

蕃人作新極易之否則有雹災疊水經其東

分水嶺在城南四十里自天生寨山脈起伏迤東約百八十里至此名分水嶺拒水出其南麻子川水出其北以入疊水舊志載唐盧照隣分水嶺詩謂即此

老鴉山在城東南四十里自分水嶺迤東二十里至此丹家溝水出其南耳陽溝水出其北耳陽溝產煤炭

班哈山在城東七十里自老鴉山迤東轉北二十里至此申都河出其南納納溝水出其北

高樓山在城東南八十里自老鴉山迤南三十里過隆家寺又折東三十里至此荔川河出其南閻井河西源出其東

麥麓山在城東南一百三十里自高樓山迤東五十里至此良恭河出其南閻井河南源出其北

莫遮攔山在城東一百六十里自麥麓迤東三四十里至此

閻井河東源出其西山之東地名響河即禮縣界此山極高風

氣勁烈每夏雹冬雪行人往往凍斃云山南禮縣界內有牛頭山明地志云在岷州東南舊志因語訛書為人投山蓋蜀漢姜維之所從出師也延熙十二維自牛頭山進兵救麴城

按右自天生寨以下七山皆西傾東行之支此諸山橫貫岷域之中凡山南諸水皆入桓水以達於西漢水山北諸水西則入洮水東則入渭水以達於黃河蓋山水之區分雍梁之界限也今以此七山列為中條山水經注禹貢山水澤地所在以西傾山為中條嶧冢為南條泝山為北條

以下山水悉依南北叙次焉

以南之山摩雲巔俗曰峪兒巔在城南一百里去宕昌三十里桓水經其西明呂柟詩云一江白浪摩雲巔是也今上有窰戶燒沙土為器以資民用巔南地名木家七童即宋木令征氏舊居也

隱賢山在城南一百里宕昌西南舊有三閣相傳姚太師本州人名

謙詳見選舉

結弁讀書於此其題咏康熙時猶存宕昌河經其下按姚

官郎中耳而稱太師
不知何以俟攷

魯班崖在城南一百六十里臨江鋪桓水經其下兩崖懸絕有
二柯插入巖隙俗傳魯班鑿山引臨江水水即桓入白水江以去
壅塞之患

良恭山在城南一百三十里桓水之東閭井河之南自麥麓山
以南巖岫參差崖谷合沓村砦多依山巔上雞犬相聞人語響答
而相造或半日始至云其西水由桐柏口入桓水其東水入禮

縣界

按元和郡縣志又有研花山云與良恭山俱產銀今不知所
在附記於此

小石門山在城東南七十里有宋都元帥堪下底節墓

以北之山五臺山在城西二十里洮水之南萬松林立望之蔚
然從下而上有五臺巔頂有觀音池深不可測禱雨輒應山下
有小溪水流入洮河又有劉道士塔

金童山在城南半里疊水之西上有二郎神廟宋守將种諤馬雲劇建明指揮使馬德輝重修今廢俗亦名二郎山

東山在城東二里疊水之東洮水之南每此山興雲則必雨

冷落山在城東五十里山形孤聳多雨雪納納溝水經其下

鵜鴿童山在城東三十里其上皆土周十餘里隴陌墳衍地氣

高寒唐志闕博山疑即此也

貴清山在城東一百三十里成馬里與漳縣境毗連高峯秀拔

松柏參天紺宇琳宮羅列鼎峙其西一峯筆立中斷如削駕木通橋踏虹度空飛隼在下號曰西方勝境西來山形最奇處也

明道士楊鐵牛煉真於此捨身崖遺跡尚存道光時漳縣王中

丞青崖有詩十餘首鑿之貞石以紀其勝焉蒲麻河經其西閭

井河與馬湟河會其東

斗底山在城東北一百八十里貴清山之西鴻門寨之南鴻門

寨河出其北趙家坪河出其西彼處人士以此為牛頭山云是

姜維與魏將戰處按延熙十二年姜維依朐山築二城以逼三郡明地志云在岷州東此處通隴西狄道臨洮三郡最為要害且地險可依朐城宜在此山牛頭乃伯約出師之道在禮縣界去此當在百許里也

遣遣嶺在城東北七十里嶺上舊有寨堡故又名木寨嶺今臨鞏等處驛路由此攢都溝水出其西遮陽河出其東

遮陽山在城東北一百二十里距石關十五里山峯峭立蒼翠如畫清曉烟霏虧蔽朝曦故有遮陽之名上有芸叟洞宋張舜民嘗遊憩於此題其洞曰芸叟鑿題詠石上年久漫滅尚有西溪東滙裏石門七字及元祐年月字可辨識也

奇門山在遮陽之右俗名大玉洞張舜民題曰夷門其西有千丈潭亦舜民題名

石關在城東北一百三十里一名鱸魚關三峯插天清流環繞溪上有獨秀石古人過此多有題詠鑿之石上岷勝境也亦為

由岷往鞏孔道

岷山在城北五里洮水之北西北毗連洮州境自岷西界抵北鄉接狄道地輒延一二百里洮水環其西南東三面土色黑墳其北巴壤寺一帶出赤土按夾大江兩岸之山謂之岷山此去

江源在松藩衛西番中浪架嶺近千里故知此山因岷州之名目非禹貢導

江之岷山也

岷峒山隋志云在岷當夷縣西今不知的是何山也有攷詳藝

文

南水 拒水一名白水俗名白龍江源出城南四十里之分水

嶺初派頗細南流二十里逕哈達鋪以上溪澗十餘左右消注

以微不錄又東南流歷峪岡頭至腳力鋪荔川河從北來注之

其流始大矣荔川舊志以為索西城非也當是唐祐川廢縣地

爾其河發源於高樓山之南南流五里逕巴里莊至石門溝口

溝水從西北來注之又南流二十里逕荔川城南冉家溝水從

西北來注之又南流二十里逕麻屯趙土司地至腳力舖入於
桓水桓水又南逕摩雲嶺西至巔角城東南河水從西南來注
之南河一源出入澍溝一源出黃家路二水東流數十里至任
藏里西合流又東逕木廠南名南河每歲六月西傾山雪消則
水漲可以放木也又東逕巔角城下入於桓水桓水又東逕高
橋下橋臨石磯構造天然缸溝河從南來入之又東逕何家舖
入峽至宕昌上川其北宕昌舊城其南揚滿城故老相傳是木
令征城也其名揚滿不知何以焉二城中有一橋通渡又東流
逕董家堡東南為宕昌下川堡今馬土司居也宕昌西北有水
二一出楊沙溝一出油房溝二水會於董家堡之東南流入桓
水宕昌西南有水一出任藏溝逕揚滿城西北流入於桓水東
南有水一出西番溝東流至新城子南北流入於桓水凡此各
溝並上缸溝林木鬱茂松柏杉樺叢生如生材木徧給東南諸
鄉之用且波及他境而貧下無產者資以為生約計十之三四

焉桓水又東南流二十里逕新城子又二十里至臨江鋪桐柏
口良恭銀洞水從北來入之良恭隋廢縣岷志其山產銀即銀
洞嶺也水出嶺南東南流出桐柏口入於桓水桓水又東南逕
乾江頭出峽入西固廳界又三十里至西固之兩河口與羌水
合

羌水一名墊江亦名白水江源出西傾山南水經注謂之天池
白水今在四川松藩番界若魯粗魯等族禹貢之和夷也東流

逕楊土司之桀古哈隆扎什巴隆扎甯巴二坡棉嗎卡松聶木
等族東流至疊州之達里溝口會哦力叭喇山獨牙牙山南來
之水又東逕鸚哥谷東於兩山之間其聲如雷自發源至此約
四五百里矣水經云至宕昌東西北去天池五百餘里也又東
南流入本境城南二百里之落答里有水從北來注之此水源
出分水嶺之西南村地里南流數十里入石峽又南流百數十
里至落答里北入於羌水羌水岸高水低不可導引彼人引此

水作渠溉田頗廣彼中天氣融和麥稷梁穀咸備又水田膏腴
與岷土苦寒迥別蜀漢姜維之所屯兵也地又產金羌水左右
人皆挖取水中亦有冬水落則撈沙淘揀岷人之落魄或逋逃
者往往來此役採以引日月羌水正逕其中又東流逕黑峪寺
南此蓋唐之莊嚴寺舊志有此寺云無攷舊為黃番僧綱司雍正廢居也又
東二十里逕韓坡坡南入西固廳界又東歷分疊城三十里至
兩河口與拒水合自是通稱白水江大可行舟矣

良恭河在城南二百四十里一源出毛雨溝一源出麥麓山一
源出小峪溝一源出米家溝四源並導東南流四十里至良恭
鎮石李子相會又東南流二十里南納銓水又十里至王家坑
出境入禮縣界

馬塢河在城東二百里相傳元時牧馬於此故名馬塢其河一
源出莫遮攔山之東東流逕金廠溝舊志云產金歷白鐵廠產錫行八
九十里至馬塢之焦山南入禮縣界一源出西溝東流數十里

至馬塢折而北流入甯遠縣界

延川河在閻井河之東三十里一源出延川西

一源

出其東索落山二源合而東流二十里逕四兜溝折而東北流四十里出玉安溝入甯遠縣界又東北歷甯遠之灘歌川山丹河東入於渭水

搆沙河在城東一百三十里源出莫遮攔山之北北流二十里逕金廠西至狼渡灘此處地勢極高而水草沮洳漫渙泥淖七

八里春秋尤甚或深不可測行旅往往迷途細豐草豐茸根土濕腐居人掘塊曝乾用代煤薪謂之窪泥方十里中秦州營牧馬之所也水即名狼渡河渾渾泡泡中通一渠北流三十里逕迤

川之西翻拍坡之東而至教場壩入搆沙溝乃為搆沙河舊志謂之馬瀉河也又北逕搆沙里東與閻井河合

閻井河在城東一百二十里有三源東源出莫遮攔山之西南源出麥麓山之北西源出麥麓山之西高樓山之東魚翅溝此水

西流十餘里逕新莊折而北流至八郎寨折而東流逕閭井古城之北與東南源相會明呂柟詩云萬樹青松閭井河蓋此地山谷皆皆松林明初猶爾今則濯濯無槎枿矣水產魚重口有齒味特腴邑人張瀉詩云閭井魚肥處處筌道實也自此北流四十里逕磚塔寨東申都河自西南來入之申都河源出班哈山之東東流逕申都里納哆蘭溝水沙地溝水折而北流至磚塔寨東入於閭井河閭井河又北流十里逕紅崖堡東入磨溝轉而東流四十里至板子坪入峽峽中有獨木高架兩崖以濟人行焉又東至楊沙里之東與楊沙河合而入甯遠縣界又東入漳河以通於渭水

蒲麻河在城東一百里一源出西峴山北一源出東溝二水西北流至蒲麻鎮相合又西北流六十里至素素川之東漳縣界素素川水從西來注之此水出素布崖崖為砦甚險要其東

南即貴清山山下有潮水或潮或涸潮則往往大魚出焉蒲麻

河又西北流出青汪峽折而東流至新寺鎮名北河又東入榜沙河即甯遠縣界也

鴻門寨河在城東一百八十里源出鴻門寨南斗底山之北山高而峻上有佛寺同治間居民為砦以避亂疑蜀漢姜維所築
麴城故址也水北流十餘里入漳河漳縣界斗底山之西為題家坪有水出其西瑣蘭溝東南流二十里入新寺鎮之北河
遮陽河在城東九十里源出瓘瓘嶺東流至遮陽山下會金溝

河又東逕石關名石關河石關又名鱸魚關以水產魚似鱸也去石關二百武有石高三丈以來五色陸離卓立溪上名曰獨秀上刻前人題咏今半漫滅不可讀矣石之東有亭名繡石遺址尚存石關河又東至三岔南入於漳河

疊藏河源出城西南二百數十里之扎力哈哈山華言文八嶺西北流逕天生寨西南古疊州地也得制番之要矣又六十里逕白石山下又八十里出石門口其西南即馮仙人崖又四十

里過廢趙土司栗林族地合栗林溝車轟腦二水又北至祿撒
鋪麻子川水從東南來注之自是折而北流逕中堡東鹿兒壩
河從西南來注之又北十里至城東長橋一疊藏河平時亦不
甚闊每伏秋暴漲洪濤急駛行者望洋斯橋創於有明成化之
初近於我

朝同治之際歷載續修凡二十一丈北通秦隴南達漢巴岷州
八景所謂疊藏長虹者也又北流二里屬於洮水

洮水源出西傾山之東今洮州番界江多巖去洮州舊城正西
五百餘里自城西六十里之西灣濠流入本境從此東流二十
里逕陽穀寨過西寨南至野狐橋此處岸高而狹水身深隱兩
磯對峙相去不及卅武自昔有橋同治初回變毀焉光緒庚寅
重立甲辰六月大水復遭漂蕩祇餘三梁橫搭小木人馬往來
蹇率有聲加以駭浪喧聒耳目胸轉危乎險哉此屬洮岷孔道
所當急為營修者矣又東十里歷中寨至二十里鋪清水溝水

從北來注之又東十五里至大溝寨逕五台山北山下溪水從
南來注之自是折而東北流十五里逕州城北水經注所云逕
臨洮故城北昔禹見長人受黑玉書處也有繩船一兩岸置橋
橫繫臣索索貫圓轂轂牽鐵纜聯綴鷁首行者挽纜踏船以渡
極稱安穩云北有板搭溝水從北來注水疊藏河從南來屬焉
又東北流五里逕龍王臺下明郭之祐曾建橋於此所謂洮上
東橋又有西橋無攷台上有郭公祠龍王廟久就湮矣臺下有龍王潭

每大旱州牧下牌索雨龍驚而輒得甘澍也又十五里至茶埠
峪有圓覺寺后番僧綱司居也耳陽溝水從東南注之又二里
納納溝水從東南來入之納納溝水源出班哈山之北北流逕
野入溝口溝水從東來注之源出樺林溝又北逕科馱里至石門納南
溝水北至吉那此處乃岷東道通衢每遇雹霖水深而駛行人
時有漂溺近議作橋而中止焉惜哉水又北三里入於洮水洮
水又東北流五里紅水溝水從東來注之此水源出近山而色

赤古以赤水名此州殆以是歟洮水又東北五里逕梅川城北
曲而北流域即漢索西城也馬坊耿恭從五溪祥楹谷出索西
與羌戰破之築索西城舊志云在城東南九十里或遂以荔川
城當之按荔川距洮水近百里水經注安得云逕索西城北耶
可以知志之誤矣洮水又北逕攢都溝西溝水從東來注之水
源出木寨嶺之西麓董家寺西流逕后土司境而出溝注於洮
水洮水又北逕中寨西而至石門溝東溝水從西來注之又逕
元山坪東有水從西來注之二水皆源於洮州界疑即水經注
之步和川水也元山坪有鐵城故址吐蕃鬼章所築也過洮水
之東即石門寺也洮水又北六十里逕包舍口新堡川水從東
來注之又逕孤麻窩折而東北流入酒店峽水經注所謂門峽
也兩壁插霄卓午始見日光水東澗底闊不及廿武石礁犖确
驚濤釜沸雷震電激噴沫灑人面行者駭膽慄魄不敢少休此
峽不通人行驛路由東山橋道鋪而往同治間軍爭虜午王方

伯鑿峽駕棧棧窮設橋以濟南路飛挽後棧坍塌橋壞此路仍絕
又岷人不解操舟惟木客編筏運木自洮達狄至此筏不能行
椽木皆散灌而下或被巨石阻滯緣峽亂木攢簇石罅久則設
法開通水夫往往淹斃云出峽即狄道界

道路

東路自東城起五里至龍王臺又十里至茶埠峪又二十五里
至納納堡過冷落山下又二十里至班哈山又二十里至申都里

一支四十里至閭井又二十里至紅崖又一十里至大寨又五里至小寨
又二十五里至新寺鎮甯遠界

西路自西城起五里至曹家莊右分支過洮河通清水溝等處又五里至十里

鋪左分支通鹿兒壩細巷兒等處又五里至大溝寨左分支通馬畦倉等處又五里過五台山下通

西南林木至廟兒溝又十里至三十里鋪又五里至中寨又五里至
野狐橋又十里至西寨又五里至陽穀寨又五里至西灣濠兆

州界

南路自南城起二十里至祿撒舖右分支西南通多納又十里至

分水嶺右分支麻子川又二十里至哈達舖左分支通荔川右分支西南通著藏等族

又二十里至腳力舖右通鴉兒等族番地西南有路通木廠又二十里過摩雲嶺下嶺上有路至宕昌

提至何家舖右通雀中等族番地又二十里至宕昌右通馬鞍山喬家又二十

里至新城子右通馬鞍山野古溝六忍等族又二十里至臨江舖右通山後生番又

二十里至乾江頭西固廳界

北路自東城起出北門過兆三十里至梅川左分支至中寨右分支過四峴山至蒲麻里

又二十里至攢都溝又二十里至八月寨又三十里至窟路里

又十五里至牛營又四十里至新堡又二十五里至橋道舖又

十里至狄道州鐵佛寺又十五里至渭源縣焦峪裏

東南路自東城起三十里至老鴉山又十五里至龐家莊左分支過

隆家寺至巴里莊又二十里至荔川右分支至腳力又二十里至巴里

莊又二十里至鐵廠里禮縣境又十里至八郎寨禮縣境又十

里至閻井里右分支至莫遮又三十里至延川索落口左分支至甯遠灘歌

川又三十里至撒金溝又三十里至馬塢鎮禮縣界

西南路自南城起二十里過中堡右分支至祿撒舖又四十里至通包家族

歸安里粟林族番地進石門口又八十里至白石山又六十里

至疊州地又五里至天生寨生番界

東北路自東城起十五里至茶埠峪又十五里至梅川又十五

里至馬廠又二十里至老幼店又十里至木寨嶺右分支又二十

里至酒店驛又十里至大草灘又二十里至遮陽舖又十五里

至石關漳縣界

西北路自東城起三十里至梅川由此過洮往唐家川巴娘寺一帶又二十里至

攢都溝又十里至中寨集右分支三自此洮河東無路過洮河

西三十里至元山坪左分支往洮州王家墳又三十里至石門溝自是又

渡洮河東六十里至包舍口又十里至橋道舖過此即狄道界

城池

詳舊志

公署

道署在鐘樓街北明嘉靖時州署也

本朝康熙三十一年改為道署

因舊道署被火故

同治初燬於火道憲

移治秦州至今未修

州署在靜遠街西明為道署

本朝康熙三十一年改為廳署後為州署同治中為潰勇拆毀

光緒二十年知州惟曾改建

萬壽宮

營都司署在崇街之西明鎮守指揮舊署也

本朝為守備署後為都司署同治中潰勇拆毀

把總署在北門內同治初叛回焚燬

經制署在把總署之左同時焚燬

學宮在文廟之右初建於明宏治時

本朝康熙間撫民同知汪元綱重修刻大學經文本版於明倫

按後魏時官署在梁勒世為所帥得見為家
心乃自稱王初家二萬餘家至其孫涼
急如道使於後魏太武帝拜為山石日王
除奉乃勒之七葉也
七A印子司

堂同治中潰勇拆毀

吏目署明舊岷州衛署故址也同治中潰勇拆毀

現今自州以下各署皆僦民房居住

學校

岷州舊有文昌書院在道署之左前明茶馬司舊署地道光初程觀察德潤始就其地初立文昌書院為鞏秦階各屬生員肄業之所同治中道署與書院同時焚燬改設隴南書院於秦州

而文昌書院遂廢又有岷陽書院在城東疊水之西自康熙中同知汪元綱始建濯纓堂招文士以會課蓋文社也赫觀察建以為岷陽書院為岷邑生童肄業之所繼有富觀察等備膏

火增修松蔭軒霽吉堂而規制大備焉同治初焚毀肅清後州牧呂恕張理堂別構地改建城內肅政街南名文明書院即今高等小學堂也學堂立於光緒三十二年内南向講堂三間堂後上房東西書房各三間堂外東西齋房各九間增設體操場

一大所門三間購買心算筆算體操地文畫學各教科及時務
書籍三十九種於八月初二日開辦

本學堂教授遵高等小學堂章程以修身經學中文算學歷史
地理格致圖畫體操為督課由教習考校程度分數註冊七日
一星期每月底由州考試一次以平日分數優絀分別等第填
表呈報學務處及提學使以備察核

教習一員由師範學堂提調選師範生派充每月薪金十五兩
額定正課學生十八名預備蒙學師範生六名附課四名遵照
高等小學堂章程以四年畢業每名每月給膏火錢一千五百
管理監堂一員以岷州學正派充監督一切事務每月薪水金
五千監學一員以本城紳士派充管理收支事務稽察一員以
本城紳士派充稽察帳目事務每月薪水錢一千五百一切經
費由舊有生息收支

按舊志岷州關隘寨堡無慮百數十處蓋前明時斯土四面臨
蕃在在場須列守故也我

朝內蕃歸化久編齊氓若東之石關北之鎮平西之永甯以及
東南之磚塔紅崖等寨均為內地不煩守戍唯獨西南一帶毗
連者徼其隘口四十餘處止有麻子川設經制一員防兵五名
餘皆蕩然無備墩台斥堠故蹟湮沒然諸隘終係通要路地名
里至今昔無殊茲除內地不書外其西南隘口仍照舊臚列以
備行兵進止堵截防守之用焉

南路隘口十八

栗林寨去城二十里隘口二通多納栗林栗中等族

分水嶺去城四十里隘口二通麻子川達喇等族

哈達鋪寨去城六十里隘口一通著藏等族

腳力鋪去城八十里隘口二通鵝兒等族

高橋寨去城九十五里隘口一通葉多哈等族

拍楊林寨去城一百里隘口二通雀中等族

宕昌寨去城一百二十里隘口二通馬鞍山喬家即隆等族

新城子寨去城一百四十五里隘口二接馬鞍山通野古溝六

忍按明時六忍節力反
至煩大兵征剿 等族

老鼠山寨去城一百六十里隘口二通平哈等族

白水川寨去城一百二十里隘口二通關惡七音等族

西路隘口五

駱駝巷寨去城二十里隘口二通西南番地

十五里鋪隘口二通鹿兒壩細巷兒等處

大溝寨去城十八里隘口一通馬畦倉等處

西南路隘口三

章哈溝去城二十里隘口一通刺即等族

柏林赤寨去城二十五里隘口一通棠林等族

鹿兒壩寨去城三十五里隘口一通缺占等族

岷山谷重沓溪澗深洄約畧通行旋起旋廢者不可以悉數茲就洮疊桓大水所有之橋梁敘列如左

洮水之上有橋一繩船七

野狐橋在城西四十里石磯對峙基礎天成蓋鞞自明初成化時守備劉琥以其密邇番戎移建於三十五里後仍建於四十里之舊處而劉建之蹟久廢

國朝續修固有或替同治初回變拆毀光緒十六年知州惟曾重造三十年六月大水欄檻俱壞祇餘三梁梁長約五丈上搭小木樵以濟行然頗危險急需修營焉

滴啄繩船在城西七里其制兩岸置搭橫繫巨索索貫圓轂轂牽鐵纜聯綴鷁首行者挽纜踏船則圓轂滑轉船依索以行最為安穩云

北門繩船在城北二里光緒初曾遇險一次覆溺多人因人畜車兩過多而船沉也故知過載不宜太重船上置棹亦所以

防險

龍王臺繩船在城東十里

將臺繩船在城東二十里

哈撒繩船在城北六十里

中寨集繩船在城北七十里

柳林繩船在城北一百里

疊水之上有橋三

疊藏長橋在城東二里岷八景之一所謂疊藏長虹者也明成

化二年守備韓春劇建因不得地宏治間副使張泰又移建焉

本朝康熙二十三年守備葉天植又移於有石磯處即今橋處

也三十六年同知汪元綱重修同治初回更橋毀十年知州呂

恕重修至今無改石墩五橋長約二十丈

烏麻橋在城西南十五里

鹿兒壩橋在城西南二十五里

二橋皆隨時支木為之鹿兒壩河入疊
故統入疊水

拒水之上有橋二

脚力舖橋在城南九十里此為南路通衢又關驛道光緒十八年知州惟曾始建此橋然地多沙水漲旋壞

高橋在脚力舖東南五里雙磯高卓橋梁駕空不知創始何年民間續修迄今通行

按舊志萬曆四十六年同知郭之祐於城東十里今隴王西二

十里疑今舖上地泚水之上各建橋一名東西二橋自

國初已久廢不修惟野狐橋為泚岷孔道脚力舖為南路通衢

又東之吉納河伏秋水漲時有漂溺狼渡灘泥淖十里人馬還
湔皆不可不有以振興而修築之昔單襄公以川無舟梁為陳
國病而溱洧之涉不可濟以乘輿斯非官斯土者之責歟

鄉鎮

舊志岷州向分十七里曰岷州里即附郭地曰勇家里地在林
家族曰南鐵里地在荔川曰餘梅里地在鶉鴿音曰李冉里地
在麻界裡曰和睦里地在巴里莊曰底藏里地在教場崖曰招

藏里地在包家族曰成麻里地在新寺鎮曰古占里地在四族
川曰貴清里地在貴清山曰湯瓦里地在宕昌董家裡曰臨江
里地在楊家集曰甯河里地在河政驛曰黨卜里地在斗卜灘
曰沙馬里地在蕪家城曰化都里地在黨卜川皆詳書四至遠
近地名里數頗亦簡明惟中若和驄里之東界至湫山底藏里
之東界至陽四北界至元山坪皆遠在一百一二十里誠不知
其何故要之此舊制也若度地因時使地邑民居悉參相得當
必有以更張之茲就現今集鎮開列其畧如左
本城一鎮附近集市俱在此

東鄉四鎮 荔川 申都 閭井 馬塢

南鄉二鎮 哈達舖 宕昌

東北鄉五鎮 茶埠峪 梅川 中寨集 蒲麻 新寺鎮

祠祀詳舊志

貢賦

岷舊有番貢前明會典洮州等處番僧每年一貢番族二年一貢應貢方物一十有五

馬 銅佛 畫佛 舍利子 酥油 青鹽 氍毹 左髻

毛纓 明盔 足力麻 明甲 腰刀 鐵力麻青木香

到京各頒賞有差貢馬駝者給價

本朝番族皆不與朝貢之列惟后番僧綱司所管招中寺院二十四處康熙元年題准分四起輪貢每起三年一貢十二年

一週每一起六寺寺不過二人由岷衛撥伴送夫役不過一二人所貢方物惟馬與青木香二種後益以紅大豆由廳衛詳請憲發勘合糧單兵票給令起程其僧綱司及頭目散僧夫役各給口糧銀有差詳舊志又給驛馬驢頭車兩沿途撥兵護送至京納貢訖部給勘合而回承平時依例朝貢自同治兵燹後此職久不修矣

岷州原額民起存倉斗糧一千三百一石六斗五升五合一勺

內

現荒無徵糧三十四石九斗五升四合

現墾成熟實徵糧一千二百六十六石七斗一合一勺

原額屯起運倉斗糧二千八百六石六斗三升八合九勺內

現荒無徵糧七百四十一石六斗六升六合九勺

現墾成熟實徵糧二千六十四石九斗七升二合

原額民地丁起存銀一千四百四兩五錢一分八釐內

現荒無徵銀三十三兩六錢六分一釐

現墾成熟實徵銀一千三百七十兩八錢五分七釐

原額屯地丁起運銀四百七十八兩四分三釐內

現荒無徵銀一百二十七兩六錢六分四釐

現墾成熟實徵銀三百五十五兩三錢七分八釐

原額番戶折色糧銀四百八十二兩四錢內

現荒無徵銀九十三兩九錢

現墾成熟實徵銀三百八十八兩五錢

磨課

原額磨課銀三百四十七兩四錢五釐過閏加徵銀二十八兩

九錢五分一釐

徐坍塌民欠無徵銀八十六兩九錢七分五釐

實徵銀二百六十兩四錢五釐

釐稅

按岷釐務創於光緒初局設在南鄉宕昌後續增本城茶埠峪

中寨集荔川年家大莊石關六分卡今自三十二年改辦統捐

總局移設本城而以宕昌為分卡其餘卡仍舊其收數自三十

二年九月起至三十三年九月共收銀一萬四千四百七十兩

零

畜稅歸州按每兩三分徵收查舊志自康熙時已有正額銀一

十二兩八錢與今正額相符現增補額銀三十兩又增盈餘銀

五十兩儘數解上

度支

春秋各廟祭祀每年銀一百三兩三錢五分二釐由司庫請領

道憲廳學俸銀每年一百四兩二分由司庫請領

本州俸銀每年四十二兩八錢六分六釐由隴西縣地丁項下

開支

道州廳學各役工食銀每年九百兩七錢由司庫請領

岷州三驛夫馬銀每年五百二十三兩四錢四分由地丁項下

留支

原額廩生三十名糶糧銀每年九十六兩現在奉文停補照舊

有名數由司庫請領核發

本營都司一員每年俸薪養廉銀三百七十七兩三錢九分六

釐

把總一員每年俸薪養廉銀一百二十六兩

左哨經制右哨經制各一員每年俸廉銀共三十六兩

右共四員每年俸薪養廉銀合共五百三十九兩三錢九分
六釐均由司庫支領

營 馬步守兵九十一名每年共支倉斗糧四百六石由岷倉
撥支共支折色銀一千九十二兩由司庫支領

官例兵操馬共十八匹每年馬乾銀五十四兩草折銀六十四
兩八錢均由司庫支領馬料九十七石二斗由岷倉撥支

本城小學堂教習一員滿年脩金銀一百八十兩合錢一百九
十八緡

監堂一員滿年薪水錢六十緡

監學一員滿年薪水錢一十八緡

度支一員滿年薪水錢一十八緡

稽察一員滿年薪水錢一十八緡

正課學生二十四名滿年共發火食錢三百八十四緡

門役一名火夫二名滿年共支工食錢五十四緡

禮房滿年支紙筆錢二十四緡

右共滿年開支錢七百七十四緡在於舊有生息原本錢三千四百串以二分

五厘發商生息滿年共得息錢五百一十串項下開支其不敷之數由州捐廉補給

城內巡警局巡長一員滿年支薪水銀四十八兩每月四兩

巡正副二員按三節酌送薪資無定額

召募巡丁八名每名每月口食錢三緡滿年共支錢二十八十

八緡

以上現無的款由州墊發

城外巡警局由營撥兵十名每名每月口食錢一緡滿年共支

錢一百二十緡由紳士募商舖湊發

藍君德昌抄原寫本王士傑古可藏

